

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj 34/03), člana 8. Zakona o Agenciji za privatizaciju u Bosansko-podrinjskom kantonu Goražde /prečišćeni tekst/ („Službene novine Bosansko-podrinjskog kantona Goražde“ broj 8/10) i člana 13b. Statuta Agencije za privatizaciju u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj 3/01 i 14/07), Vlada Bosansko-podrinjskog kantona Goražde raspisuje:

## **JAVNI OGLAS**

za izbor i imenovanje predsjednika i članova Upravnog odbora  
Agencije za privatizaciju u Bosansko-podrinjskom kantonu Goražde

Upravni odbor Agencije se sastoji od predsjednika i četiri člana.

### **Opis upražnjene pozicije:**

Upravni odbor Agencije za privatizaciju nadležan je da upravlja Agencijom; donosi Statut Agencije i druge opće akte; donosi Poslovnik o radu; donosi Pravilnik i program rada Agencije na prijedlog direktora, usvaja završni račun i izvještaj o radu Agencije; osniva komisije i druga radna tijela Agencije, vrši i druge poslove u skladu sa Zakonom i Statutom Agencije.

Predsjednik i članovi imenuju se istovremeno na period od 4 godine, uz mogućnost ponovnog imenovanja.

### **Kandidati za predsjednika i članove moraju ispunjavati slijedeće opće uslove:**

1. da su stariji od 18 godina,
2. da su državljani Bosne i Hercegovine,
3. da se protiv njih ne vodi krivični postupak, odnosno da nisu osuđivani za krivično djelo koje po Zakonu predstavlja smetnju za obavljanje dužnosti u institucijama vlasti Bosne i Hercegovine,
4. da nisu otpušteni iz državne službe kao rezultat disciplinske mjere na bilo kojem nivou u periodu od tri godine prije dana objavljivanja upražnjene pozicije,
5. da se na njih ne odnosi član IX. 1. Ustava Bosne i Hercegovine.

### **Pored općih uslova kandidati moraju ispunjavati i ostale uslove:**

1. da imaju završen najmanje VII stepen stručne spreme,
2. da posjeduju stručno znanje u oblasti prava, ekonomije ili tehničkih nauka,

3. da posjeduju dovoljno radnog iskustva u struci na poslovnima vezanim za problematiku privatizacije preduzeća.

**U Upravni odbor Agencije ne mogu se imenovati kandidati koji su:**

1. stariji od 70 godina na dan imenovanja,
2. članovi u više od jednog Upravnog ili Nadzornog odbora,
3. u finansijskom ili privatnom interesu sa Agencijom,
4. na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH,
5. u sukobu interesa u smislu Zakona o sukobu interesa u organima vlasti u F BiH („Službene novine F BiH“, broj 40/08).

**Uz prijavu za izbor i imenovanje kandidati su dužni priložiti slijedeću dokumentaciju (orginalni dokumenti ili ovjerene kopije dokumenata):**

- kraću biografiju, adresu i kontakt telefon,
- uvjerenje o državljanstvu (ne starije od 6 mjeseci),
- izvod iz matične knjige rođenih (ne starije od 6 mjeseci),
- dokaz o stručnoj spremi,
- dokaz o radnom iskustvu,
- uvjerenje nadležnog suda (Općinski i Kantonalni sud) o nekažnjavanju i uvjerenje da se protiv njega ne vodi krivični postupak (ne starije od 3 mjeseca),
- izjava kandidata da nisu otpušteni iz državne službe kao rezultat disciplinske mjere
- izjava kandidata da se na njih ne odnosi član IX. 1. Ustava BiH.

Kandidati koji budu ušli u uži izbor, biće pozvani na intervju. Podnosioci prijave sa kojima se ne stupi u kontakt u roku od 10 dana od isteka roka za podnošenje ponuda neće biti uzeti u razmatranje u daljem procesu kandidovanja.

Naknada izabranom predsjedniku i članovima odrediće se na osnovu Odluke o utvrđivanju visine naknade za rad u upravnim i nadzornim odborima, skupštinama društva i drugim organima upravljanja.

Prijave se podnose odvojeno za predsjednika i za članove ili u jednoj prijavi, s tim da se izričito naglasi za koju poziciju se kandiduje.

Oglas će biti objavljen u „Službenim novinama F BiH“, dnevnom listu „Dnevni avaz“, Web stranici Vlade Bosansko-podrinjskog Kantona Goražde i Oglasnoj ploči Kantona.

Oglas ostaje otvoren 15 dana od dana posljednjeg objavljivanja. Prijave sa traženom dokumentacijom je potrebno dostaviti lično ili preporučeno putem pošte na adresu: **Bosansko-**

**podrinjski kanton Goražde, Vlada kantona, Višegradska 2a, Goražde, Komisija za provođenje postupka izbora i imenovanja predsjednika i članova Upravnog odbora Agencije za privatizaciju u Bosansko-podrinjskom kantonu Goražde, sa naznakom „Prijava na oglas – ne otvaraj“.**

Nepotpune i neblagovremene prijave neće se uzeti u razmatranje.

VLADA BOSANSKO-PODRINJSKOG

KANTONA GORAŽDE